


Met Mi Auchea Kopwe Sinei Usun Porousen Tuberculosis

Tuberculosis (ika TB) ew semwen mi fisita seni ekoch menun paiking mei fetan non asepan seni emon aramas ngeni emon. TB ekon kan efeiengawa ach kewe ammat nge mei pwan tongeni ngeni ekoch pisekin non inisich ren ach ewe tupu, kidni ika fen pwan ewe chuu nap.

Esapw meinisin ren torir menun TB repwe semwen. Mei wor ruu sokkun TB: Latent TB infection (ika ekkewe monun TB ese mokutukut) me ewe semwenin monun TB. Ika pun ese pung safean, ewe semwenin monun TB mei watte afeiengawan.



Ekkewe Sokofesen Nefinen Ewe Monuntb Ese Mokutukut Me Ewe Semwenin Monun TB

Emon Aramas Mei Wor Ewe Monun TB Ese Mokutukut Ren

- A wor monun ewe TB non inisiir mei manau nge ese mokutukut.
- Ese wor esisinen ewe monun samau ren me ese pwan mefi samau.
- Ese tongeni achouu monun ewe TB ngeni ekoch.
- Mei pwarata pwe mei wor ewe monun TB ren non an chekin cha me chekin unuchen inis.
- An sassing ren fan mwarin (x-ray) me chekin an attuf mei eoch.
- Mei namot epwe wor angangen chek me safei ren ewe monun semwenin TB ese mokutukut an epwe eppetii ewe monun semwen epwe pochokununo me mokutukut.

Emon Aramas Mei Wor Ewe Semwenin Monun TB

- Mei watte ewe monun semwenin TB non inisir.
- Mei wor ren ekkewe esisinen ewe semwen me pwan mefi samau.
- Mei tongeni achoua ngeni pwan ekkoch ewe monun semwen ren.
- Mei pwarata pwe mei wor ewe monun TB ren non an chekin cha me chekin unuchen inis.
- An sassing ren fan mwarin mei osukosuk me chekin unuchen inis ese eoch.
- Mei namot epwe wor angangen chek me safei ren ewe monun semwenin TB mei wor ren.

Ika pun inisum ese tongeni eukano marinon ewe monun semwen, iwe ewe monun semwen a tongeni awatenoi ewe monun samau an epwene mokutukut. Esisinen ewe monun semwenin TB mei mokutukut:



U.S. Department of Health and Human Services
Centers for Disease Control and Prevention

Chekin TB



Ren omw chekin TB me angei aninisin safean TB a tongeni epetuk, omw famini me chiechiomw, tori aramasen non neniomw. Mei wor ruu sokkun chekin ewe monun TB: ewe **chekin monun TB non cha** me ewe **chekin monun TB won unuchen inis**.

+ Ew Chekin TB Mei Posetiv

Mei wor ewe monun TB non inisum. Noum iwe dokuche epwe fori ekoch chek an epwe pwarata ika ewe monun TB mei mokutukut ika ese. Ekkei sokkun chek a pachenong ewe angangen sassingi fan imwar me chekin omw otuf.

- Ew Chekin TB Mei Neketiv

Ewe chek mi neketiv esisinata pun ese wor ewe monun TB reomw.

Noum we dokuche mei tongeni epwe pwan fori ekkoch chek ika:

- Mei wor ekkoch esinen ewe monun TB, aweve ren mwor, metekin fan imwar, pwichikar, kichuchuno, ika apwangapwang.
- Mei wor reomw monun HIV.
- En mei nomw ian mei wor monun TB.


Ereni Noum We Dokuche Ika En Mei Angei Ewe Apwosun TB

Chekin TB non cha ekon pesepes ngeni ekkewe aramas ir mei angei ewe apwosun bacille Calmette-Guerin (BCG). Esapw usun ewe chekin TB won unuchen inis, ewe chek non cha ese osukosuk ren ewe opwosun BCG.

Ekoche aramas re uputiw me nukun Merika ra angei ewe opwosun epetin BCG TB. Ewe apwosun BCG ese onunusa an epeti aramas seni TB. Ew eochun angangen ewe chekin TB won unuchen inis mei eto seni ewe opwosun BCG ika seni ekkewe monun non ewe semwenin TB.



TB Mei Wor Safean



Ewe monun TB mei tongeni nomw non inisum non fite ier nge ese pwa esininan kewe. Ika pun mei wor reomw ewe monun TB nge ese pwa mokutukutun, mei eoch kopwe angei safean an epwe epeti omw kopwe semwen ren an epwene mokutukut monun ewe TB non inisumw.

Ika pun a uruk me toruk ewe monun TB mei mokutukut, en mei tongeni angei safean. Mi namot omw kopwe angei me pwan awesi meinisin onumomw safean TB usun met mei pesepes me ren noum we dokuche ika kangof. Ei epwe ew aninis ngonuk omw kopwe pochokun fiti fengen me anisi epeti pwan ekoch ar repwe pwan samau.

Ewe eochun anen omw kopwe chemeni omw kopwe uun unumomw kewe safean monun semwenin TB an omw kopwe angei safai (DOT) ika epwe kawor awenewen ngonuk. Ren ei DOT, epwe wor emon chon angangen safai epwe churuk iteiten ran ika fan fitu non ew wik non founoun aramas ika won asepan (ren fon ika video). Ewe chon angangen safai sekining epwe cheki fichi nge ekkewe safean TB mei namot me angang eoch usun met ir repwe fori.